



**ORZAMENTOS DO CONSORCIO PROVINCIAL DE OURENSE  
DO SERVIZO CONTRA INCEDIOS E DE SALVAMENTO  
PARA O EXERCICIO 20189**

**MEMORIA DA PRESIDENCIA**

En cumprimento do que dispoñen os artigos 168, apartado 1), parágrafo a) do Texto Refundido da Lei de Facendas Locais, aprobado por Real Decreto Lexislativo 2/2004 de 5 de marzo, e o artigo 18. 1 apartado a) do Real Decreto 500( 1990 de 20 de abril, esta Presidencia eleva ao Pleno do Consorcio o proxecto do Orzamento e as súas Bases de execución para o exercicio 2018, en unión desta memoria na que se analizan os aspectos máis relevantes e que en síntese son as seguintes:

O proxecto do orzamento do Consorcio Provincial de Ourense para a prestación do servizo contra incendios e de salvamento para o exercicio 2018, que se somete á consideración do Pleno do Consorcio, ascende en ingresos e en gastos á **cantidade de 4.168.028,70 euros (CATRO MILLÓNS CENTOSESENTA E OITO MIL VINTEOITO EUROS CON SETENTA CÉNTIMOS DE EURO)**

O proxecto de orzamento presenta o equilibrio formal e real esixido expresamente polo Texto Refundido da lei de Facendas Locais e polo Real Decreto 500/90. Cumpre igualmente o principio de universalidade, dado que o orzamento xeral do Consorcio, inclúe a totalidade dos gastos e os ingresos do mesmo.

Polo que se refire ó contido do proxecto do orzamento, pódense destacar os seguintes aspectos:

**DOS GASTOS**

**Capítulo I** do orzamento, respecto o gasto do persoal, existe correlación entre os créditos do capítulo I de Gastos de Persoal, incluídos no orzamento e o anexo de Persoal de esta entidade local para este exercicio económico, ascendendo a cantidade de *116.920,00 euros* ao anexo de persoal e indicando na dotación orzamentaria as posibles variacións.

Os gastos de persoal comprenden tanto o dos cargos electos con dedicación exclusiva ou parcial como os propios do cadro de persoal.





Con respecto aos cargos electos, prevése unicamente a retribución dun cargo en réxime de dedicación parcial (para o cargo de vogal – representante da Presidencia, conforme ao acordado na sesión).

En canto ao cadro de persoal do Consorcio, estará integrado polas seguintes prazas de persoal laboral fixo:

1 Xerente.

1 administrativo – informático

1 Operario de limpeza

As prazas de persoal laboral configúranse como prazas de persoal laboral fixo en atención ao seu carácter estrutural, e sen prexuízo da concreta situación xurídica do persoal que actualmente ocupa as prazas.

No capítulo I, en comparación co orzamento do 2017, non sofre variacións.

Con respecto ao posto de administrativo – informático, no exercicio 2017 xa tiña pasado a xornada completa.

Mantense o posto do persoal de limpeza, mantendo o seu contrato parcial de media xornada.

**Capítulo II** do Orzamento, as contías máis relevantes corresponden ás destinada para edificios, maquinaria, instalacións técnicas e utensilios, e á destinada a estudos e traballos técnicos necesarias todas elas para o desenvolvemento das actividades propias do Consorcio. Neste exercicio tense en conta no orzamento na aplicación orzamentaria (136/22799) a cantidade de 38.500,00 € destinada a formación do persoal e ao custo da asesoría externa que confeccionará a nova relación de postos de traballo do Consorcio.

**Capítulo III** do Orzamento. Créase o capítulo 3 de gastos financeiros coa finalidade de facer fronte aos pequenos gastos que polos servizos bancarios se producen durante o exercicio económico.

**Capítulo VI** do Orzamento. Recolle os investimentos reais destinados a creación de infraestruturas e a adquisición de bens de natureza inventariable necesarios para o funcionamento dos servizos e de aqueles outros gastos de carácter inventariable.





## **DOS INGRESOS**

Con respecto aos ingresos, o Consorcio financiarase, de conformidade cos seus estatutos, cos seguintes recursos:

- As achegas dos entes consorciadas
- Subvencións e outros ingresos de dereito público
- As taxas por prestacións de servizos básicos, contribucións especiais e prezos públicos que se establezan de conformidade coa lexislación vixente.
- Ingresos de dereito privado e os bens adquiridos polo Consorcio que integran o seu patrimonio.
- O produto das operacións de crédito
- Calquera outro recurso que puidera ser atribuído acordo coa lexislación vixente.

Os ingresos previstos nos orzamentos de 2018 responden fundamentalmente á estimación de ingresos polas taxas pola prestación dos servizos de prevención e intervención en emerxencias, e a aportación de UNESPA completados coas achegas dos entes consorciados (Xunta e Deputación de Ourense), nas porcentaxes establecidas nos Estatutos, que son as seguintes:

- Xunta de Galicia: 62,5 %
- Deputación Provincial de Ourense: 37,5 %

Nas bases de execución do orzamento clarifícanse tódolos aspectos relativos á xestión e execucións dos orzamentos que non están expresamente recollidos na lexislación de modo imperativo e adáptase o réxime de execución de ingresos e gastos ás peculiaridades do Consorcio.


O total dos créditos orzamentarios consignados poden considerarse suficientes para atender as obrigacións exixibles o Consorcio.

O Consorcio atópase adscrito á Deputación Provincial, polo que os orzamentos do Consorcio deberán integrarse nos orzamentos xerais da administración provincial.

**Ourense, 5 de setembro de 2017.**

**O Presidente**

**Asdo: Pablo Pérez Pérez**



**(P.D.:Decreto da Presidencia da Deputación  
De 31-08-2015 /BOP nº 93 de 23-04-2016.)**